

habe : quóniam in igne probátur aurum et argéntum, hómines vero receptíbles in camino humiliatiónis. Crede Deo, et recuperábit te : et dirige viam tuam, et spera in illum. Serva timórem illius, et in illo veterásce. *R.* Inítium. 331.

*Lectio iij.*

**M**etuéntes Dóminum sustinéte misericórdiam ejus : et non desleccátis ab illo ne cadátis. Qui timétis Dóminum, créдите illi : et non evacuábitur merces vestra. Qui timétis Dóminum, speráte in illum : et in oblectatióne veniet vobis misericórdia. Qui timétis Dóminum, diligite illum, et illuminabúntur corda vestra. Respícite filii natiónes hóminum : et scitóte quia nullus sperávit in Dómino, et confúsus est. Quis enim permánsit in mandátis ejus, et derelictus est? aut quis invocávit eum, et despéxit illum?

*R.* Verbum. 331.

## FERIA QUARTA.

De libro Ecclesiástici.

*Lectio j.* *Cap. iij.*

**I**lli sapiéntiæ, ecclé-  
sia justórum : et  
natio illórum, obe-  
diéntia et diléctio. Judi-

cium patris audíte filii, et sic fácite ut salvisitis. Deus enim honorávit patrem in filiis : et iudícium matris exquírens, firmávit in filios. Qui diligit Deum, exorábit pro peccátis, et continébit se ab illis, et in oratióne diérum exaudiétur.

*R.* Dómine pater. 328.*Lectio ij.*

**E**t sicut qui thesaurificat matrem suam. Qui honorat patrem suum, jucundábitur in filiis, et in die oratiónis suæ exaudiétur. Qui honorat patrem suum, vita vivet longióre : et qui obédit patri, refrigerábit matrem. Qui timet Dóminum, honorat paréntes, et quasi dóm-  
inis sérviet his, qui se genuérunt.

*R.* Magna enim. 329.*Lectio iij.*

**I**n ópere et sermóne, et omni patiéntia honóra patrem tuum, ut supervéniat tibi benedictio ab eo, et benedictio illius in novíssimo máneat. Benedictio patris firmat domos filiórum : maledictio autem matris eradicat fundaménta. Ne gloriéris in contumélia patris tui : non

enim est tibi glória, ejus confúsió. Glória enim hóminis ex honóre patris sui, et dédecus filii pater sine honóre.

*R.* Quæ sunt. 330.

## FERIA QUINTA.

De libro Ecclesiástici.

*Lectio j.* *Cap. iij. c*

**A**ltióra te ne quæsieris, et fortióra te ne scrutátus fueris : sed quæ præcépit tibi Deus, illa cógita semper, et in plúribus opéribus ejus ne fueris curiosus. Non est enim tibi necessárium ea, quæ abscondita sunt, vidére óculis tuis. In supervácuus rebus noli scrutári multipliciter, et in plúribus opéribus ejus non eris curiosus. Plúrima enim super sensum hóminum osténsa sunt tibi. Multos quoque supplantávit suspício illórum, et in vanitate detinuit sensus illórum.

*R.* In princípío. 326.*Lectio ij.*

**C**or durum habébit male in novíssimo : et qui amat periculum, in illo peribit. Cor ingrédientem duas vias, non habébit succéssus, et pravus corde

in illis scandalizábitur. Cor nequam gravábitur in dolóribus, et peccátor adjiciet ad peccándum. Synagógæ superbórum non erit sánitas : frutex enim peccáti radicábitur in illis, et non intelligétur.

*R.* Gyrum cæli. 327.*Lectio iij.*

**C**or sapiéntis intelligitur in sapiéntia, et auris bona áudiet cum omni concupiscéntia sapiéntiam. Sapiens cor, et intelligíbile abstinébit se a peccátis, et in opéribus justitiæ succéssus habébit. Ignem ardentem exstinguit aqua, et eleemosyna resistit peccátis : et Deus prospéctor est ejus, qui reddit grátiam : méminit ejus in pósterum, et in témpore casus sui invéniet firmaméntum.

*R.* Emítte Dómine. 327.

## FERIA SEXTA.

De libro Ecclesiástici.

*Lectio j.* *Cap. iv.*

**P**lii eleemosynam páuperis ne defráudes, et óculos tuos ne transvértas a páupere. Animam esuriéntem ne despéxeris : et non exásperes páuperem in inópia

sua. Cor inopis ne affligeris, et non prótrahas datum angustiánti. Rogatió- nem contribuláti ne abjicias : et non avértas fáciem tuam ab egéno.

*R.* Da mihi. 327.

*Lectio ij.*

**A**B inope ne avértas óculos tuos propter iram : et non relin- quas quærentibus tibi retro maledicere : maledicéntis enim tibi in amaritúdine animæ exaudiétur depre- catio illius : exaudiét autem eum, qui fecit illum. Congregatióni páuperum affábilem te fácito, et presbytero humília ánimam tuam, et magnáto humília caput tuum.

*R.* Inítium. 328.

*Lectio iij.*

**D**Eclína páuperi sine tristítia aurem tuam, et redde débitum tuum, et respónde illi pacífica in mansuetúdine. Líbera eum, qui injúriam pátitur de manu superbi : et non ácide feras in ánima tua. In judicándo esto pupillis misericors ut pater, et pro viro matri illórum : et eris tu velut fílius Altíssimi obédiens, et miserébitur tui magis quam mater.

*R.* Verbum. 328.

SABBATO.

De libro Ecclesiástici.

*Lectio j.* *Cap. iv. c.*

**I**lli consérva tem- pus, et devíta a malo. Pro ánima tua ne confundáris dicere verum. Est enim confú- sio addúcens peccátum, et est confú- sio addúcens gló- riam et grátiam. Ne acci- pias fáciem advérsus fá- ciem tuam, nec advérsus ánimam tuam mendá- cium. Ne revearéris pró- ximum tuum in casu suo : nec retíneas verbum in témpore salútis. Non abs- cóndas sapiéntiam tuam in decóre suo.

*R.* Dómine pater. 328.

*Lectio ij.*

**I**n lingua enim sapién- tia dignóscitur : et sensus, et sciéntia, et do- ctrína in verbo sensáti, et firmaméntum in opéribus justítiae. Non contradícas verbo veritátis ullo modo, et de mendá- cio inerudi- tiónis tuæ confundere. Non confundáris confitéri peccáta tua, et ne subjí- cias te omni hómini pro peccáto. Noli resistere con- tra fáciem poténtis, nec conéris contra ictum flú- vii.

*R.* Magna enim. 329.

*Lectio iij.*

**P**RO justítia agonizáre pro ánima tua, et usque ad mortem certa pro justítia, et Deus expugná- bit pro te inimicos tuos. Noli citátus esse in lingua tua : et inútilis, et remis- sus in opéribus tuis. Noli esse sicut leo in domo tua, evértens domésticos tuos, et ópprimens subjéctos ti- bi. Non sit porrécta manus tua ad accipiéndum, et ad dandum collécta.

*R.* Quæ sunt. 330.

SABBATO.

ante Domin. V. Augusti, nisi hæc fuerit propin- quior Kalendis Septem- bris : quia tunc ista cum sua Hebdomada omittitur, et ponitur Añna pro prima Domin. Septemb., ut infra.

Ad Magnif. Añna. Obsérva fili\* præcépta patris tui, et ne dimittas legem matris tuæ, sed liga eam semper in corde tuo.

*R.* Vespertína orátio.

DOMIN. V. AUGUSTI.

In I. Nocturno.

De libro Ecclesiástici.

*Lectio j.* *Cap. v.*

**O**li atténdere ad possessiões iní- quas, et ne dixe- ris : Est mihi sufficiens vi-

ta : nihil enim próderit in témpore vindictæ et ob- ductiόνis. Ne sequáris in fortitúdine tua concupi- scéntiam cordis tui : et ne díxeris : Quómodo pótui ? aut quis me subjíciet pro- pter facta mea ? Deus enim vindicans vindicábit. Ne díxeris : Peccávi, et quid mihi áccidit triste ? Altís- simus enim est pátiens rédditor. De propitiáto peccáto noli esse sine me- tu, neque adjicias peccá- tum super peccátum.

*R.* In princípío. 326.

*Lectio ij.*

**E**T ne dicas : Miserátio Dómini magna est, multitudinis peccatórum meórum miserébitur. Mise- ricórdia enim et ira ab illo cito próximant, et in pec- catóres réspicit ira illius. Non tardes convérte ad Dóminum, et ne differas de die in diem. Súbito enim véniet ira illius, et in témpore vindictæ dispérdet te. Noli ánxius esse in divi- tiis injústis : non enim pró- derunt tibi in die obducti- ónis et vindictæ. Non vénti- les te in omnem ventum, et non eas in omnem viam. Sic enim omnis peccátor probá- tur in dúplici lingua.

*R.* Gyrum cœli. 327.

**Lectio iij.**

**E**sto firmus in via Dómini, et in veritate sensus tui et sciéntia, et prosequáur te verbum pacis et justítiae. Esto mansuétus ad audiéndum verbum, ut intélligas : et cum sapiéntia próferas respónsum verum. Si est tibi intelléctus, respónde próximo : sin autem, sit manus tua super os tuum, ne capiáris in verbo indisciplina, et confundáris. Honor et glória in sermóne sensáti, lingua vero imprudentis subvर्सio est ipsíus. Non appelléris surro, et lingua tua ne capiáris, et confundáris.

**R.** Emitte. 327.

In II. Nocturno.

Sermo sancti Joánnis Chrysóstomi. **Homil. xxij. in 2. Cor. x. in Moral.**

**Lectio iv.**

**T**E tardes convérte ad Dóminum, et ne differas de die in diem : nescis enim quid paritúra sit superventúra dies. Perículum enim et metus est in differéndo : salus vero certa ac secúra, si nulla sit dilátio. Virtútem igitur cole : sic enim licet júvenis moriáris, secúre discésseris : quod si

ad senectútem pervéneris, cum multa facilitáte et nulla moléstia e vita discédes : duplicémque habébis festivitátem, et quod a vitæ malítia abstínueris, et quod virtútem colúeris. Ne dicas : Erit tempus, quando convérte licébit : verba enim hæc Deum valde exásperant.

**R.** Da mihi. 327.

**Lectio v.**

**C**UR nam, cum ipse tibi ætérna sæcula promisit, tu in præsénti vita laboráre non vis, quæ parva et momentánea est ; sed sic ignávus ac dissolútus agis, quasi hac brevíorem áliam quamdam inquiras ? Nonne illæ quotidiánæ comessatiónes, nonne illæ mensæ, nonne scorta illa, nonne theátra illa, nonne divítiae illæ testántur, inexplébilem malítiae concupiscéntiam ? Cógita bene, quod quóties scortátus es, tóties condemnásti te ípsium : peccátum enim ita se habet, ut mox atque patrátum fúerit, senténtiam ferat iudex.

**R.** Inítium. 328.

**Lectio vj.**

**I**Nebriátus es ? ventri licet júvenis moriáris, seculam gradum : verte te in

divérsum : confitére Deo grátiam, quod non in médiis peccátis te abstulit : ne quære áliud tibi prorogári tempus ut male operéris. Multi dum male ac vitióse viverent, súbito periérunt, et in manifestam damnatiónem abiérunt : time ne idem tibi áccidat. Sed multis, inquis, dedit Deus spátium, ut in última senécta confiteréntur. Quid igitur ? numquid et tibi dábitur ? Fortásse dabit, inquis. Cur dicis, fortásse ? Cántigit aliquóties ? Cógita quod de ánima delíberas : proinde étiam de contrário cógita, et dic : Quid autem, si non det ? Quid autem si det, inquis ? Esto, dat quidem ipse : verúm tamen hoc illo cértius et utílius.

**R.** Verbum. 328.

**R.** vij. Dñe pater. 328.

**R.** viij. Duo. 329.

FERIA SECUNDA.

De libro Ecclesiástici.

**Lectio j.****Cap. vij.**

**N**Oli fácere mala, et non te apprehéndent. Discéde ab iníquo, et deficient mala abs te. Fili, non sémines mala in sulcis injustítiae, et non metes ea in séptu-

plum. Noli quærere a dómíno ducátum, neque a rege cáthedram honóris. Non te justífiles ante Deum, quóniam ágnitor cordis ipse est : et penes regem noli velle vidéri sapiens.

**R.** Ne derelínquas. 329.

**Lectio ij.**

**N**Oli quærere fieri júdex, nisi váleas virtúte irrumpere iniquitates : ne forte extiméscas faciém poténtis, et ponas scándalum in æquitáte tua. Non pecces in multitudinem civitátis, nec te immittas in pópulum, neque alliges duplicia peccáta : nec enim in uno eris immúnis. Noli esse pusillánimis in ánimo tuo : exoráre, et fácere eleemósynam ne despicias.

**R.** Magna enim. 329.

**Lectio iij.**

**N**E dicas : In multitudine múnorum meórum respiciet Deus, et offerénte me Deo altíssimo, múnura mea suscipiet. Non irrideas hóminem in amaritúdine animæ : est enim qui humiliat et exáltat, circumspéctor Deus. Noli aráre mendácium advérsus fratrem tuum : neque in amicum simíliter fácias.

Noli velle mentiri omne mendacium : assiduitas enim illius non est bona. Noli verbosus esse in multitudine presbyterorum, et non iteres verbum in oratione tua.

*R.* Quæ sunt. 330.

FERIA TERTIA.

De libro Ecclesiastici.

*Lectio j.* Cap. x.

**M**udex sapiens iudicabit populum suum, et principatus sensati stabilis erit. Secundum iudicem populi, sic et ministri ejus : et qualis rector est civitatis, tales et inhabitantes in ea. Rex insipiens perdet populum suum : et civitates inhabitabuntur per sensum potentium. In manu Dei potestas terræ : et utilem rectorem suscitabit in tempus super illam. In manu Dei prosperitas hominis, et super faciem scribæ imponet honorem suum.

*R.* Præbe fili. 330.

*Lectio ij.*

**O**mnis injuriæ proximi ne memineris, et nihil agas in operibus injuriæ. Odibilis coram Deo est et hominibus superbia : et execrabilis omnis iniqui-

tas gentium. Regnum a gente in gentem transfertur propter injustitias, et injurias, et contumelias, et diversos dolos. Avaro autem nihil est scelerius. Quid superbit terra et cinis? Nihil est iniquius quam amare pecuniam. Hic enim et animam suam venalem habet : quoniam in vita sua projecit intima sua.

*R.* Initium. 331.

*Lectio iij.*

**O**mnis potentatus brevis vita. Languor prolixior gravat medicum. Brevem languorem præcidit medicus : sic et rex hodie est, et cras morietur. Cum enim morietur homo, hereditabit serpentes, et bestias, et vermes. Initium superbiæ hominis, apostatare a Deo : quoniam ab eo, qui fecit illum, recessit cor ejus : quoniam initium omnis peccati est superbia : qui tenuerit illam, adimplebitur maledictis, et subvertet eum in finem. Propterea exhonoravit Dominus conventus malorum, et destruxit eos usque in finem.

*R.* Verbum iniquum et dolosum. 331.

FERIA QUARTA.

De libro Ecclesiastici.

*Lectio j.* Cap. xiiij.

**Q**ui tetigerit picem, inquinabitur ab ea : et qui communicaverit superbo, induet superbiam. Pondus super se tollet, qui honestiori se communicat. Et ditori te ne socius fueris. Quid communicabit cacabus ad ollam? quando enim se colliserint, confringetur. Dives injuste egit, et fremet : pauper autem læsus tacebit. Si largitus fueris, assumet te : et si non habueris, derelinquet te. Si habes, convivet tecum, et evacuabit te, et ipse non dolébit super te.

*R.* Domine pater. 328.

*Lectio ij.*

**H**umiliare Deo, et expecta manus ejus. Attende ne seductus in stultitiam humiliéris. Noli esse humilis in sapientia tua, ne humiliatus in stultitiam seducaris. Advocatus a potentiore discède : ex hoc enim magis te advocabit. Ne improbus sis, ne impingaris : et ne longe sis ab eo, ne eas in oblivionem. Ne retineas ex æquo loqui cum illo : nec credas

multis verbis illius. Ex multa enim loquela tentabit te, et subridens interrogabit te de absconditis tuis. Immittis animus illius conservabit verba tua : et non parcat de malitia, et de vinculis.

*R.* Magna enim. 329.

*Lectio iij.*

**C**ave tibi, et attende diligenter auditui tuo : quoniam cum subversione tua ambulas. Audiens vero illa quasi in somnis vide, et vigilabis. Omni vita tua dilige Deum, et invoca illum in salute tua. Omne animal diligit simile sibi : sic et omnis homo proximum sibi. Omnis caro ad similem sibi jungetur, et omnis homo simili sui sociabitur. Si communicabit lupus agno aliquando, sic peccator justo. Quæ communicatio sancto homini ad canem? aut quæ pars diviti ad pauperem?

*R.* Quæ sunt. 330.

FERIA QUINTA.

De libro Ecclesiastici.

*Lectio j.* Cap. xiv.

**E**atus vir, qui non est lapsus verbo ex ore suo, et non est stimulatus in tristitia

delicti. Felix, qui non habuit animi tristitiam, et non excidit a spe sua. Viro cupido et tenaci sine ratione est substantia, et homini livido ad quid aurum? Qui acervat ex animo suo injuste, aliis congregat, et in bonis illius alius luxuriabitur. Qui sibi nequam est, cui alii bonus erit? et non jucundabitur in bonis suis.

*R.* In principio. 326.

*Lectio ij.*

**Q**UI sibi invitet, nihil est illo nequius, et haec redditio est malitiae illius: et si bene fecerit, ignoranter, et non volens facit: et in novissimo manifestat malitiam suam. Nequam est oculus lividi, et avertens faciem suam, et despiciens animam suam. Insatiabilis oculus cupidi in parte iniquitatis: non satiabitur donec consumat arefaciens animam suam. Oculus malus ad mala: et non satiabitur pane, sed indigens et in tristitia erit super mensam suam.

*R.* Gyrum coeli. 327.

*Lectio iij.*

**F**ili si habes, benefac tecum, et Deo dignas oblationes offer. Memor

esto quoniam mors non tardat, et testamentum inferorum quia demonstratum est tibi: testamentum enim hujus mundi morte morietur. Ante mortem benefac amico tuo, et secundum vires tuas exporrigens da pauperi. Non defrauderis a die bono, et particula boni doni non te praetereat. Nonne alius relinques dolores et labores tuos in divisione sortis? Da, et accipe, et iustifica animam tuam. Ante obitum tuum operare iustitiam: quoniam non est apud inferos invenire cibum.

*R.* Emitte Domine. 327.

FERIA SEXTA.

De libro Ecclesiastici.

*Lectio j.* *Cap. xxj.*

**I**lli peccasti? non adjicias iterum: sed et de pristinis deprecare ut tibi dimittantur. Quasi a facie colubri fuge peccata: et si accesseris ad illa, suscipient te. Dentes leonis, dentes ejus, interficientes animas hominum. Quasi rhomphaea bis acuta omnis iniquitas, plagae illius non est sanitas. Objurgatio et injuria annullabunt substantiam:

et domus quae nimis locuples est, annullabitur superbia: sic substantia superbi eradicabitur.

*R.* Da mihi. 327.

*Lectio ij.*

**D**eprecatio pauperis ex ore usque ad aures ejus perveniet, et iudicium festinato adveniet illi. Qui odit correptionem, vestigium est peccatoris: et qui timet Deum, convertetur ad cor suum. Notus a longe potens lingua audaci: et sensatus scit labi se ab ipso. Qui aedificat domum suam impendiis alienis, quasi qui colligit lapides suos in hieme. Stuppa collecta synagoga peccantium, et consummatio illorum flamma ignis.

*R.* Initium. 328.

*Lectio iij.*

**V**IA peccantium complanata lapidibus, et in fine illorum inferi, et tenebrae, et poenae. Qui custodit iustitiam, continebit sensum ejus. Consummatio timoris Dei, sapientia et sensus. Non erudietur, qui non est sapiens in bono. Est autem sapientia, quae abundat in malo: et non est sensus ubi est amaritudo. Scientia sapientis tamquam inun-

datio abundabit, et consilium illius sicut fons vitae permanet.

*R.* Verbum. 328.

SABBATO.

De libro Ecclesiastici.

*Lectio j.* *Cap. xxxij.*

**E**ctorem te posuerunt? noli extolli: esto in illis quasi unus ex ipsis. Curam illorum habe, et sic conside, et omni cura tua explicita recumbe: ut laeteris propter illos, et ornamentum gratiae accipias coronam, et dignationem consequaris corrogationis. Loquere major natu: decet enim te primum verbum diligenti scientia, et non impediatis musicam.

*R.* Domine pater. 328.

*Lectio ij.*

**U**BI auditus non est, non effundas sermonem, et importune noli extolli in sapientia tua. Gemula carbunculi in ornamento auri, et comparatio musicorum in convivio vini. Sicut in fabricatione auri signum est smaragdi, sic numerus musicorum in jucundo et moderato vino. Audi tacens, et pro reverentia accedet tibi bona gratia. Adolescens

lóquere in tua causa vix. Si bis interrogátus fúeris, hábeat caput respónsum tuum.

**R.** Magna enim. 329.

**Lectio iij.**

**I**N multis esto quasi inscius, et audi tacens simul et quærens. In médio magnatórum non præsumas: et ubi sunt senes, non multum loquáris. Ante grándinem præibit coruscátio: et ante verecúndiam præibit grátia, et pro reveréntia accédet tibi bona grátia. Et hora surgéndi non te trices: præcúrre autem prior in domum tuam, et illic avocáre, et illic lude, et age conceptiões tuas, et non

in delictis et verbo superbo. Et super his ómnibus benedicito Dóminum, qui fecit te, et inebriántem te ab ómnibus bonis suis.


**R.** Quæ sunt. 330.

SABBATO

proximo Kalend. Septemb.

**Ad Magnificat, Antiphona.** Cum audisset Job \* nuntiórum verba, sustinuit paciénter, et ait: Si bona suscepimus de manu Dómini, mala autem quare non sustineámus? In ómnibus his non peccávit Job lábiis suis, neque stultum áliquid contra Deum locútus est.

**V.** Vespertína orátio.



## Homiliae et Orationes

IN DOMINICIS PER ORDINEM DISPOSITÆ, A TERTIA USQUE AD DECIMAM SEXTAM POST PENTECOSTEN.

DOM. III. POST PENTEC.

**Oratio.**

**P**rotector in te sperantium Deus, sine quo nihil est válidum, nihil sanctum: multiplica super nos misericórdiam tuam; ut te rectóre, te duce, sic transeámus per bona temporália, ut non amittámus ætérna. Per Dóminum. Lectio sancti Evangélii secúndum Lucam.

**Lectio vij. Cap. xv.**

**I**N illo témpore: Erant appropinquántes ad Jesum publicáni, et peccatóres ut audirent illum. Et reliqua.

Homilia sancti Gregórii Papæ. **Homilia xxxiv. in Evang. post initium.**

**U**distis in lectione evangélica, fratres mei, quia peccatóres et publicáni accessé-

runt ad Redemptórem nostrum: et non solum ad colloquéndum, sed étiam ad convescéndum recepti sunt. Quod vidéntes Pharisæi dedignáti sunt. Ex qua re colligite, quia vera justítia compassiõnem habet, falsa justítia dedignatiõnem: quamvis et justíi sóleant recte peccatóribus dedignári. Sed áliud est quod ágitur typo superbix, áliud quod zelo disciplinae.

**Lectio viij.**

**D**edignántur etenim, sed non dedignántes: despérant, sed non desperántes: persecutiõnem cómmovent, sed amántes: quia etsi foris increpationes per disciplinam exágerant, intus tamen dulcédinem per caritátem servant. Præpónunt sibi